Praeceptum II.

Vremenorech oszobna nezvershenoga Nachina potrebuje poleg szebe Accusativusha, kadasze Coniunctia Quod van zpuscha, v.P. Radujemsze, da ti zdrav jeszisze povernul, gaudeo te salvum redivisse.

Praeceptum III.

Vszaka Vremenorech oszobna zvershenoga Nachina, more dva Nominativushe imati, ako obodva Imena na jedno Dugovanye
zpadaju; — to pako najvishe biva z-Rechjum
pomochlivum sum; kak takaj forem, fio,
e va do, existo, maneo, nascor, orior, i
Rechi terpeche Imenuvanya, kakti appellor, dicor, nominor etc. v. P. Ztarozt izta
je Beteg, Senectus ipsa est morbus.

Ovde z-jednem Nominativushem pitasze, z-drugem odgovarja. v. P. gdo je Beteg, odg. Ztarozt izta je Beteg.

Praeceptum IV.

Vremenorech chinecha za szobum potrebuje Accusativusha. v. P. Dobri Dechaki lyubiu Navuke; Pueri ingenui amant literas.